

## Mbete kí Pol ndàngì adì Pilipi-je

**Ta-je** kí dɔ mbete-tì kí Pol ndàngì adì Pilipi-je

Pol a dangay-tì ɔ to bebo Rɔm-tì je bè, bá ɛ ndàngì-né mbete kin. ɔ ɛ a mɛɛ ji njékɔbe-je-tì kadì d'a tɔl-é. Bè ya kàrè to mbete kí pa ta kí sobi dɔ rɔnəl liə, kì oiyo kí ɛ ra njékadmɛɛ-je kí bebo Pilipi-tì.

Pol ilə mbɛ Poyta kí Majì bebo Pilipi-tì, dɔnangi Maseduwan-tì dɔnangi Grɛkì-tì kəl-é kí taá-tì ɔ ində gin njékəwnə-je káre lo-é-tì (Knj 16). Ganglo-é-tì kin ya mbunə-dé kì njékadmɛɛ-je kí Pilipi-tì gangì al; adì dɛ d'ulə kì là d'adi-é 'ra-né siə nja nɔ-nɔ mɛɛ kullə-tì liə kí isi ra adì Lubə. Mɛɛ mbete-tì kinlé, ɛ ra-dé oiyo kɔ kadkare kí d'ulə-né Epaproditi d'adi ree-né adi-é ngɔsnè bɔy kinlé rəm, bá ɛ pa ta kí sobi dɔ ndigi kí ɛ ndigi-dé mɛɛ mbete-tì kinlé rəm tɔ. Lo kɔr-é-tì kí 1 lé ɛ ra oiyo 'Babe rəm, bá pa ta kí sobi dɔ gangì kisi-é rəm tɔ. Lo kɔr-é-tì kí 2 lé, ɛ tɔji néndaji-je kí sobi dɔ soldɔ ɔ kí boy nɔ lé to soldɔ lə Jeju Kristi. Lo kɔr-é-tì kí 3 lé, ɛ pa ta kí sobi dɔ maji lə mɛɛ kí kində dɔ Kristi-tì bi dɔ dow-tì al, ɔ lo kɔr-é-tì kí 4 lé, ɛ ulə dingəm mɛɛ njékadmɛɛ-je-tì kadì 'to dow-je kí káre rəm, kadì 'ra rɔnəl rəm, bá pa ta kí sobi dɔ lapiya lə Lubə rəm tɔ.

Tɔji rɔ kì Lapiya kí ra

<sup>1</sup> †Mə Pol, jɛ kì Timote kí j'to ngannjékullə-je lə Jeju Kristi j'isi nati bá m'ndàngì mbete kin m'adi-si sɔi njékaa njay kí 'toi njénam kàdì Jeju Kristi-tì rəm, m'adi-si sɔi

---

† 1:1 1:1 Knj 16:12

njékində kəm-si go njékəwnə-je-ti rəm, b́a madi-si səi njékində kəm-si go né-ti lə njékəwnə-je ḱi isi m̩e̩e bebo Pilipi-ti rəm tɔ. <sup>2</sup> Kadi Bɔbi-ji Lubə d̩e̩ ḱi 'Babe Jeju Kristi d'adi ramaji ḱi lapiya lə-dé n̩əy sə-si.

<sup>3</sup> Ndo-je lay ḱi m̩e̩e-m ole dɔ-si-ti taá ya rəmə m'ra oiyo Lubə lə-m. <sup>4</sup> Ta-je lay ḱi m'pa ḱi Lubə kɔɔ-si lay kinlé, ndo-é ndo-é ya m'pa ḱi rɔnəl, <sup>5</sup> kɔɔ kində ḱi indəi rɔ-si ta Poyta-ti ḱi Maji ndo-ti ḱi dɔsay sar t̩e̩e-né b̩one. <sup>6</sup> M'gə maji ḱi njèkulə gin kullə ḱi maji n̩ə m̩e̩e-si-ti kinlé, à ra bè-bè ya tɔl ta-é ndo təl-ti lə Jeju Kristi.

<sup>7</sup> Səi lé, to tó-é kadi m'ow ḱi tagir-je ḱi bè kin dɔ-si-ti lay, kɔɔtalə m'ində-si dan kəm-m-ti. Kɔɔ maji ḱi Lubə ra sə-m dangay-ti rəm, lo pa ta gangi-né dɔ Poyta ḱi Maji-ti rəm, lo kilə mb̩e̩-é-ti ḱi tógi rəm kinlé, səi lay ya ai sə-m m̩e̩e-é-ti. <sup>8</sup> Lubə gə ḱi səi lay ya m'ndigi-si ko ndigi lə Jeju Kristi.

<sup>9</sup> Ə né ḱi m'dəji m̩e̩e ta-je-ti ḱi m'isi m'pa ḱi Lubə lé, m'dəji kadi ndignə lə-si ow ḱi kete-kete ə kadi to ndignə ḱi 'gəi gin-é maji rəm, 'gəi kɔri-né mbunə né-je kadi aa njay rəm tɔ. <sup>10</sup> Bè kɔɔ kadi asi kadi ooi né ḱi maji ə 'gəi rəm, kadi 'toi njéra né ḱi tɔgrɔ-ti rəm, kadi 'toi dow-je ḱi ta goto dɔ-si-ti ndo təl-ti lə Kristi rəm, <sup>11</sup> kadi ḱi takul Jeju Kristi rəmə 'rai-né né ḱi njururu, kɔɔ kadi dow-je d'osi-né gaji Lubə rəm, 'tɔy-é-né rəm tɔ.

### *Kə Pol dangay-ti*

<sup>12</sup> Ngankɔ-m-je ḱi njékadm̩e̩e, né ḱi m'ndigi kadi 'gəi ən: Né ḱi t̩e̩e dɔ-m-ti lé, ra adi Poyta ḱi Maji ow-né ḱi kete. <sup>13</sup> †Beba m̩e̩e ndògi-ti lə ngar lay rəm, ḱi lo-je lay ya dow-je 'gə maji ḱi to ta ḱi sobi dɔ ta lə Kristi b́a m'a-né dangay-ti. <sup>14</sup> Ə njékadm̩e̩e-je n̩ə ya, kə-m dangay-ti

† 1:13 1:13 Knj 28:30

lé, ra adi d'ubə kul 'Baðe rəm, adi-dé tógi dɔ madi-é-ti bəy rəm, bá ɔr bəl mɛɛ-dé-ti kɔgi kadi d'ilə mbɛ ta lə Lubə kɪ rɔ tungə-dé rəm tɔ. <sup>15</sup> Tɔgrɔ-ti ya, ta lə Kristi lé, dɛ kɪ dan-ti-je 'ndó dow-je kɪ kim-nə, kɪ jangi, ngà dɛ kɪ nà-je 'ra kɪ tagir kɪ maji tɔ. <sup>16</sup> Dɛ kinlé 'ra kɪ tagir ndignə ə 'gə kɪ kisi-m nɛ kinlé tɔ kɔ kadi m'pa ta m'gangi-né dɔ Poyta kɪ Maji. <sup>17</sup> Ngà dɛ kɪ dan-ti-je lé, d'ilə mbɛ ta lə Kristi kɪ tagir kim-nə kɪ jangi mɛɛ-dé-ti. Tagir-je lə-dé lé aa njay al. Dɛ 'gir kɪ to kɔ kɪ rangi bá n'isi n'adi-mi dɔ madi-é-ti dɔ kə-m dangay-ti.

<sup>18</sup> Ngà bè kàrè, lé to ndangi bá 'ra əse 'ra né kɪ tɔgrɔ-ti kàrè, mbɛ ta lə Kristi ba-né adi rɔ-m nəl-m ə à nəl-m ya bəy rəm tɔ. <sup>19</sup> Takul ta-je kɪ isi 'pai kɪ Lubə rəm, kɪ takul Ndil Jeju Kristi kɪ isi gəti-m kin ya, m'gə-né kɪ né-je kinlé à kɔw sə-m kɪ kaji-ti. <sup>20</sup> Gangi-é kɪ m'isi m'ngəbi-né kɪ rɔ ngə rəm, kɪ mɛɛ kɪ kində dɔ-ti rəm kinlé, né kɪ rɔ-m à sɔl-m dɔ-ti ya goto. Ngà bəne bè kinlé, mɛɛ-m nda kay titi kɪ kete low, adi lé to koy-m əse to kisi-m kɪ dɔ-m taá kàrè, Kristi lé dow-je d'a kɔsi gaji-é kɪ takul-m ya.

<sup>21</sup> Kdɔtalə mə lé, Kristi bá to kisi kɪ dɔ taá lə-m, adi m'oo koy kɪ nékugə dɔji. <sup>22</sup> Ngà kinə kisi-m kɪ dɔ-m taá nɛ kinlé, maji-é tɔ kɔ kullə lə-m bəy rəmə, m'gə né kɪ m'a mbəti al. <sup>23</sup> Mɛɛ-m ra joo: 'Bo kadi m'ɔw m'isi kɪ Kristi bá ra-m kɔ to né kɪ maji bore ngay. <sup>24</sup> Ngà kɔ ta lə-si lé, kisi-m kɪ dɔ-m taá nɛ kin maji nà bəy rəm tɔ. <sup>25</sup> M'gə maji mbiri-mbiri kɪ m'a kisi kɪ dɔ-m taá ə sɔi lay ya m'a kisi sə-si kɔ kɔw kɪ kete lə-si rəm, bá kɔ rɔnəl lə-si mɛɛ kadmɛɛ-ti rəm tɔ. <sup>26</sup> Bəba lokɪ m'a təl kɔw dan-si-ti gogɪ lé, m'a təl gin né kində kàdɪ lə-si kɪ nà kɔ nam kɪ 'nami kàdɪ Jeju Kristi-ti.

*Kə dingəm ta rɔ-ti*

<sup>27</sup> Kέ b́a adi panjiyø-si ɔw nati k̀i Poyta ḱi Maji lə Kristi, kɔɔ kadi lé, m'ɔw m'oo-si øse m'isi rangi kàrè rəmø, m'oo poy-si ḱi ɔi gərərø k̀i tagir ḱi káre-rè rəm, ɔi dɔ-ji-nɔ-ti lay 'rɔi k̀i mεε ḱi káre-rè dɔ kadmεε-ti ḱi ɔw nati k̀i Poyta ḱi Maji rəm tɔ. <sup>28</sup> Adi njéba-je d'indø-si bəl-ti nda al. Gangi-é kin b́a tɔji tuji lə-dé ndaa-ti rəsi, ngà sɔi rəmø tɔji kaji lə-si tɔ; to né ḱi j̄ rɔ Lubə-ti. <sup>29</sup> Kɔɔtalə ḱi sɔbi dɔ Kristi lé, Lubə ra sə-si maji kadi adi-é mεε-si ḱi kadi ya par al, ngà kadi ingøi k̀i kɔɔ ta liə dɔ-ti tɔ. <sup>30</sup> †Bone bè kin sɔi isi rɔi ko rɔ ḱi m'ɔ m'adi ooi k̀i kəm-si rəm, b́a m'isi ta-ti bøy adi ooi ta-é rəm tɔ.

## 2

*Kində* rɔ nati k̀i sɔldɔ

<sup>1</sup> Kinə sɔlmεε tò k̀i takul nam k̀adi Kristi-ti rəm, kadi-nɔ ta dingəm tò k̀i takul ndignɔ rəm, kuwə-nɔ lubi-lubi tò k̀i takul Ndil ḱi aa njay rəm, ta ḱi ɔ̄ mεε kɔɔ-nɔ tò rəm, b́a koo kəmtondoo tò rəm lé, <sup>2</sup> adi tagir lə-si ɔw nati; ko ndigi ḱi káre ya 'ndigi-nɔ; adi mεε-si tò nati káre; indøi rɔ-si nati; 'rai bè kadi rɔnəl lə-m ɔr-né njuti. <sup>3</sup> 'Rai né madi k̀i jangi øse kɔɔ riba k̀i ndangi kare al rəm; ngà k̀i takul sɔldɔ lé, dow-je ḱi rangi b́a kadi ooi-dé k̀i dow-je ḱi 'boy d'itø-si. <sup>4</sup> Né-je ḱi à maji sə-si sɔi ya par b́a kadi kəm-si tò go-ti al, ngà kadi nɔ-nɔ dan-si-ti adi kəm-é to go né-je-ti ḱi à maji k̀i ndøgi dow-je tɔ bane.

<sup>5</sup> Tagir ḱi tò mεε Jezu Kristi-ti kin ya, adi tò mεε-si-ti tɔ.

<sup>6</sup> Ē ḱi né ḱi rɔ-é-ti lay ya tɔji kadi to Lubə, ngà koo b́a ē oo kasi-nɔ lə-dé dε k̀i Lubə kinlé k̀i né kəw rɔ dɔ-ti al.

<sup>7</sup> Ē mbati riba liə k̀i mεεndigi liə ya,

---

† 1:30 1:30 Knj 16:19-40

təl rɔ-é ngonnjékullə-ti,  
 təl rɔ-é adi tanə kì dow-je rəm,  
 dow-je 'gə-é kí ɛ to dow rəm tɔ.

<sup>8</sup> Kristi sɔl dɔ-é kì mɛɛndigi liə,  
 təl-né rɔ-é go ta-ti sar ya oy-né,  
 ɔw mbing ya oy dɔ kagdəsi-ti.

<sup>9</sup> Gin-é kin b́a Lubə ɔr-né jikɔl-é kì taá  
 ə adi-é ri kí itə ri-je lay,

<sup>10</sup> kɔɔ kadi dɔrɔ-ti kì dɔnangi-ti, kì gin nangi-ti kin ya,  
 né-je lay 'tɔsi məkəji-dé nangi kì ri Jeju rəm,

<sup>11</sup> b́a kadi ndɔ dow kí rá-rá ya pa ta rəsi ɔsi-né gaji  
 Bɔbi-ji Lubə panè: Jeju Kristi to 'Babe.

*Njèkadmɛɛ* to londógi kí dɔnangi-ti

<sup>12</sup> Səi kí m'ində-si dan kəm-m-ti, səi lé 'toi njétəl rɔ-si  
 go ta-ti kì ndɔ-je lay, 'rai kullə dɔ kaji-ti lə-si kì bəl rəm,  
 kì dadi rəm; 'rai kɔɔ takəm-m al, ngà bone bè kí m'goto  
 sə-si kin ya kàrè, kadi 'rai kì dɔ madi-é-ti ya bəy. <sup>13</sup> Kɔɔ  
 Lubə ya b́a ində ndigi ra né mɛɛ-si-ti rəm, b́a ɔsi-si adi  
 'rai né kí ɔw nati kì kɔjra liə kí to kɔjra mɛɛmajì.

<sup>14</sup> Né-je lay ya kadi 'rai kì yunta al rəm, kì najta al  
 rəm, <sup>15</sup> kɔɔ kadi ta goto dɔ-si-ti rəm, kadi aai njay rəm,  
 kadi 'toi ngan lə Lubə kí ta goto dɔ-si-ti dan dow-je-ti  
 kí njéndəm majal mbul-mbul kí 'to njémɛɛndul-je. Dan-  
 dé-ti lé, səi 'ndógi titi pər ngəl-je kí dɔnangi-ti nè, <sup>16</sup> kì  
 takul ta kí sɔbi dɔ kiskəm kí 'pai. Nɔɔ təl Kristi-ti rəmə,  
 ɛ kin ya b́a à to né riɓa lə-m ə à tɔji kí ngɔdi lə-m lé,  
 m'ay kɔgi kare al rəm, b́a kɔɔ lə-m kàrè tɔ kɔgi al rəm  
 tɔ. <sup>17</sup> ə kinə lé kadi m'toki man nduu kí 'mbəl logugi  
 né-ti, dɔ kadkare-ti kí adi Lubə kì takul kadmɛɛ lə-si  
 ya kàrè adi-m rɔnəl rəm, b́a m'ra rɔnəl-é nati sə-si lay

rəm to\*. <sup>18</sup> Bè ya to, səi kàrè adi rɔ-si nəl-si dɔ-ti rəm, b́á 'rai rɔnəl-é natì sə-m rəm to.

Kɔw mba lə Timote rəm, lə Eparoditi rəm

<sup>19</sup> M'ində mɛɛ-m dɔ 'Babe Jeju-ti, kí m'a kullə Timote rɔ-si-ti ngɔsnè, kɔ kadi təl ree idə-m poy-si kadi mə kàrè mɛɛ-m usi-né nangi to. <sup>20</sup> Kɔɔtalə gangi kisi-si kinlé, Timote lé ya par ə to rɔ-é kí tɔgrɔ-ti, b́i m'ɔw k̀i dow kí rangi kí à kore kàd̀i-m mɛɛ tagir-je-ti kí sobi dɔ-si kin al. <sup>21</sup> Kɔɔtalə ndəgi dow-je lay d'ɔw ká sangi né-je-ti kí sobi dɔ-dé dɛ ya b́i 'sangi 'lə Jeju Kristi al. <sup>22</sup> Ngà Timote lé tɔji kadi rɔ liə adi 'gəi maji. Ɛ isì mbó-m-ti titi kí ngon isì-né mbó bɔbi-é-ti ə un rɔ-é ində ta kullə-ti natì sə-m kɔ Poyta kí Maji. <sup>23</sup> Adì kinə ta kí dɔ-m-ti aa njay rəmə, ɛ b́á m'ɔji kullə-é rɔ-si-ti nɔɔ rəm, <sup>24</sup> mə ya kàrè m'adi mɛɛ-m 'Babe kí mə k̀i dɔ-m m'a kɔw nɔɔ ngɔsnè to.

<sup>25</sup> Ngà m'oo maji n̄a kadi m'təl m'ulə Eparoditi kí to ngonkɔ-m kí njèkadmɛɛ rəm, madkullə lə-m k̀i madi rɔ lə-m kí uləi-é rɔ-m-ti k̀i né-je kí m'ɔw ndoo-é. <sup>26</sup> Səi lay ya bɔ koo-si ra-é loti-loti rəm, b́á ta mɔy liə kí usi mbi-si-ti kin kàrè adi-é k̀i n̄a rəm to. <sup>27</sup> Rɔ-é lé to-é n̄a adi tò ta koy-ti ya, ngà Lubə oo kəmtondoo liə, to kəmtondoo liə ɛ par b́á oo tin al, ngà to kəmtondoo lə-m mə to, bè kɔ kadi mɛɛkɔ lə-m ree-né k̀i dɔ madi-é-ti dɔ madi-é-ti al. <sup>28</sup> M'ulə-é gogi kalangi kɔ kadi ooi-é rəmə rɔ-si nəl-si-né rəm, b́á kadi mə kàrè mɛɛkɔ lə-m sɔl-né kɔy rəm to. <sup>29</sup> Uwəi-é k̀i rɔ-si-ti k̀i rɔnəl kuwə dow lə 'Babe. Dow-je kí bè kinlé, uni ta-dé. <sup>30</sup> Kɔ to ta lə kullə

\* <sup>2:17</sup> <sup>2:17</sup> Pol un rɔ-é ɔji-né man nduu kí 'mbəl dɔ né-ti kí d'adi kɔ gugi-né né b́á pa-né ta kí dɔ koy-é-ti (Tɛt 29:38-42; Kni 15:1-10; 2Ti 4:6).

lə Kristi b́a kete e tò-né ta koy-ti rəm, ilə-né rɔ-é kɔgi taa-né tó-si ta kullə-ti ḱi tò kadi 'rai adi-mi rəm tin.

### 3

<sup>1</sup> Ḱi rangi b́əy, sɔi ngankɔ-m-je ḱi njékadmɛɛ, 'rai rɔnəl kɔɔ nam ḱi 'nami kàdì 'Babe-ti. Ko ta-je ḱi káre kinlé ya kadi m'ndàngi m'adi-si b́əy kàrè mə m'oo né káre ḱi ndɔji-m-ti al ə ḱi sɔbi dɔ-si rəmə, ra-é ḱi bè kinlé b́a à kay ngangi-si kər-kər maji.

*Ta ḱi sɔbi dɔ njéndó dow-je né-je ḱi ngɔm*

*Gal 5:1-6; Rɔm 6:3-13; 1Kɔ 9:24-27; 2Pi 1:5-11*

<sup>2</sup> Ooi go rɔ-si rɔ dɛ-ti ḱi 'toki bisi-je bè kin! Ooi go rɔ-si rɔ njérakullə-je-ti ḱi 'ra k̀i mɛɛ ḱi maji al kin! Ooi go rɔ-si rɔ njéba rɔ-dé dow-je-ti ḱi d'ijə-dé ganjangi kin! <sup>3</sup> Kɔɔ dow-je ḱi d'ijə-dé ganjangi ḱi tɔgrɔ-ti lé, to jɔi ḱi j'poli Lubə k̀i takul Ndil-é, to jɔi ḱi riba lə-ji to nam kàdì Jeju Kristi-ti, adi j'indəi mɛɛ-ji dɔ né-ti ḱi tò rɔ-ji-ti kin al. <sup>4</sup> Mə k̀i dɔ-m kàrè, lé m'a kində mɛɛ-m dɔ né-ti ḱi tò rɔ-m-ti tɔ.

Kinə dow-je madi d'oo d'adi 'lə-dé to tó-é kadi d'ində mɛɛ-dé dɔ né-ti ḱi tò rɔ-dé-ti lé, mə rəmə 'lə-m mə itə-dé b́əy. <sup>5</sup> †Kɔɔ d'o-ji-m m'ra ndɔ jinày joo ya d'ijə-m ganjangi, m'to gin ka Israyel, gin koji-ti lə Benjamɛ, m'to əbrə ḱi koji kəy; <sup>6</sup> †ḱi sɔbi dɔ ndukun ə m'to Parisi, ḱi sɔbi dɔ rɔ tungə mɛɛ kullə-ti ə ndɔki m'to njékulə kəm njékəwnə-je ndoo, b́a ḱi sɔbi dɔ né ra ḱi njururu kàrè ta goto dɔ-m-ti rəm tɔ.

<sup>7</sup> Ngà né-je ḱi ndɔki m'oo k̀i né ḱi 'ngay kinlé, m'təl m'oo k̀i né ḱi kɔgi kare kdɔtalə Kristi. <sup>8</sup> Rəm b́a gə ḱi m'gə Jeju Kristi maji k̀i 'Babe lə-m lé, to né ḱi maji

† 3:5 3:5 a Rɔm 11:1; b Knj 23:6; 26:5 † 3:6 3:6 Knj 8:3; 22:4; 26:9-11

mbing adi né-je lay ya m'oo ki né kí kɔgi kare. M'ingə né-je lay kɔgi kɔ Kristi ə né-je lay ya m'oo ki dɔ ɕirbiti bè, kɔ kadi Kristi ɓá to nékingə-m rəm, <sup>9</sup> kadi nam kí m'nam kàdì-é-ti kinlé m'nam kì takul né ra kí njururu lə-m kí to təl rɔ go ndukun-ti kin al, ngà kì takul né ra kí njururu kí tò kì takul kadmɛɛ Kristi, adi to né ra kí njururu kí j rɔ Lubə-ti, ə ulə njirə dɔ kadmɛɛ-ti. <sup>10</sup> Né lay kí uwə mɛɛ-m to kadi m'gə Kristi; kadi m'gə tɔgi kí ɛ tɔsi-né ndəl ində-né lo tɛɛ rəm, kadi m'ingə-né siə kɔ-je liə rəm, ɓá kadi m'tana siə sar kadi m'oy-né gə koy liə, kɔ kadi <sup>11</sup> ta kí rá-ti ya kàrè rəmə, m'tɔsi ndəl m'ində lo m'tɛɛ tɔ.

*Kay ngɔdi kəm ki kete*

<sup>12</sup> To kingə ɓá m'ingə nédɔji lé ngá al rəm, to maji ɓá m'maji m'ɔr njuti ngá al rəm, ngà m'isi m'ay ngɔdi lə-m kin kəm-m kì kete, kɔ kadi m'ingə-né nédɔji lé, kɔ ma kàrè Jezu Kristi ingə-m adi m'to liə tɔ. <sup>13</sup> Ngankɔ-m-je kí njékadmɛɛ, ma kì dɔ-m ya kàrè m'ingə nédɔji lé al ya ɓəy. Ngà m'adi mɛɛ-m oy dɔ né-ti kí go-m-ti gogi ə m'adi kəm-m tò kì kete kɔ né kí nɔ-m-ti. Né káre kí m'ra ɓn: <sup>14</sup> M'ay ngɔdi kì lo-ti kí né kí m'ində nɔ-m-ti tò-ti lé, kɔ kadi m'ingə-né nédɔji kí sɔbi dɔ ɓa kí dɔra-ti kí Lubə ɓa-m kɔ nam kí m'nam kàdì Jezu Kristi-ti. <sup>15</sup> Jɔi lay ya kí j'toi dow-je kí j'tɔgi gangi lé, adi j'owi kì tagir kí bè kin ɓane; ə kinə né madi tò nɔɔ ɓá tagir lə-si kí dɔ-ti ɔw nati al kàrè rəmə, né-é kinlé Lubə à tɛɛ kì dɔ-é kadi-si rəm tɔ. <sup>16</sup> Ngà kɛ ɓá lo kí j'reei t'ɛɛi-ti ngá kin lé, ri-ri ɓá ra né kàrè, adi j'owi nati kəm-ji kì kete.

<sup>17</sup> †Ngankɔ-m-je kí njékadmɛɛ, †ndaji kullə ra-m ə adi kəm-si tò kì go dɛ-ti kí panjiyə-dé to gə panjiyə kí ingəi

† 3:17 3:17 1Kɔ 4:16; 11:1



rɔ-ji-ti kin ya. <sup>18</sup> Kdɔtalə dow-je n̄a ya panjiyɔ-dé ɔsi ta kagdəsi lə Kristi. Ta kinlé, taá-taá ya m'idə-si ə ɓone kin ya kàrè m'təl m'pa k̀i nɔ kəm-m-ti ɓəy. <sup>19</sup> Dɛ lé ta tɔl ta-dé to tuji kɔgi ya ɔ; nékuso kí mɛɛ-dé-ti ya to lubə lə-dé; né kí ulə rɔsɔl dɔ-dé-ti kin ya ɓá dɛ d'adi to né riɓa lə-dé; tagir-je lə-dé t̀ò ki dɔ né-je-ti kí dɔnangi-ti nè ya par. <sup>20</sup> Ngà j̄əi lé, ɓe lə-ji to dɔra-ti adi j'isi j'ngəbi Njəkaji-ji kí 'to 'Babe Jeju Kristi kí à k̄i-ti kdɔ ree <sup>21</sup> ə tógi kí ɛ ɔw-né kdɔ təl-né né-je lay gin tógi-é-ti kin ya à mbəl-né rɔ-ji kí dangi-ti kin kadi tan̄a k̀i rɔ-é kí to rɔ njəriɓa kin tɔ.

## 4

<sup>1</sup> Gin-é kin ɓá səi ngankɔ-m-je kí njekadmɛɛ kí m'ində-si dan kəm-m-ti, səi kí ɓo təl koo-si ra-m, səi kí 'toi gin rɔnəl lə-m k̀i nédɔji lə-m, ɔi-né gərərə bə ya kàd̀i 'Babe-ti, səi kí m'ində-si dan kəm-m-ti.

*Ndɔji-je k̀i ta dingəm-je kí gay-gay*

<sup>2</sup> M'ra ndoo ta Ebodi-ti k̀i ta Sɛntisi-ti kadi d'ow k̀i tagir kí káre kdɔ nam kí 'nam kàd̀i 'Babe-ti. <sup>3</sup> ə i, madkullə lə-m kí njèra né kí tɔgrɔ-ti, kɔgri ya, m'dɔji-i kadi 'ra sə-dé adi mindi-dé usi go-n̄a-ti. Kdɔ 'to dené-je kí njéka dɔ-ji-m-ti ta rɔ-ti kí sɔbi dɔ Poyta kí Maji, nati k̀i Klem̄a k̀i ndəgi madkullə-je lə-m kí ri-dé t̀ò mɛɛ mbete\* kiskəm-ti tɔ.

<sup>4</sup> Ndɔ-je lay ya adi rɔ-si nəl-si kdɔ nam kí 'nami kàd̀i 'Babe-ti kin. M'təl m'pa ya ɓəy, adi rɔ-si nəl-si. <sup>5</sup> Kadi dow-je lay ya 'gə sɔl ləm lə-si. 'Babe ɔ ngɔsi. <sup>6</sup> Adi mɛɛ-si ɔ kákáké kdɔ né madi al. Ngà mɛɛ né-je-ti lay ya 'pai ta k̀i Lubə, 'nɔi ta-é-ti, 'rai-é oiyo, ɓá indəi nédɔji-je lə-si

\* <sup>4:3 4:3</sup> Mbete kiskəm lé to mbete kí rɔ Lubə-ti kí ri dow-je kí d'adi mɛɛ-dé Lubə t̀ò-ti (Ntd 3:5).

nɔ̀-é-ti. <sup>7</sup>Rəmə lapiya lə Lubə kí to lapiya kí itə négə-je lay kinlé à kay ngangí né-je kí mɛɛ-si ndigí, kì tagír-je lə-si kɔɔ nam kí 'nami kàdì Jeju Kristi-ti.

<sup>8</sup>Beba səi ngankɔ-m-je kí njékadmɛɛ, kadi né lay kí to né kí tɔgrɔ-ti, kì né kí asi piti, kì né kí njururu, kì né kí aa njay, kì né kí dow à pa ta kí maji dɔ-ti, kì né kí tuwə ndigí dɔ-ti, kì né kí maji rəti-rəti, kì né kí asi gaki kadi dow piti kinlé bá to né-je kí tɔ tagír-je-ti lə-si. <sup>9</sup>Né kí m'ndó-si, né kí ingəi rɔ-m-ti, kì ta kí ooi ta-m-ti, né kí m'ra m'adi ooi lé, 'rai-né kullə. Rəmə lapiya lə Lubə à nà y sə-si.

*Ta kí sɔbi dɔ oiyo kí Pol ra*

<sup>10</sup>Loki m'oo kandi kilə kí iləi ká-m-ti bəy kinlé, m'ingə rɔnəl nɔ mɛɛ nam-ti kí m'nam kàdì 'Babe-ti. Səi lé bɔ kilə ká-m-ti ra-si ya, ngà lo-é bá ingəi al. <sup>11</sup>To ndoo né bá ra-m bá m'pa-né ta kinlé bè tin al. Kɔɔ mɔ m'ndó kisi kì mɛɛ kusi nangí mɛɛ né-je-ti lay. <sup>12</sup>M'gə kisi dan ndoo-ti rəm, m'gə kisi dan maji-ti mburuki-mburuki rəm. Mɛɛ né-je-ti lay, kì lo-je lay ya m'ndó adi lé m'ndan kàrè mɔ kisi rəm, bɔ ra-m kàrè m'a kisi rəm, dan maji-ti kí mburuki-mburuki kàrè m'a kisi rəm, bá dan ndoo-ti kàrè m'a kisi rəm tɔ. <sup>13</sup>Né lay ya m'asi ra kì takul njékadi-m tɔgí.

<sup>14</sup>Bè ya kàrè, maji kí maji kɔɔ kɔ-je lə-m lé səi ɔi sə-m mɛɛ-é-ti. <sup>15</sup>Loki m'ingə dɔnangi Maseduwan, dɔkaglo-ti kí kilə mbɛ Poyta kí Maji tum-né gin-é dan-si-ti kinlé, səi kí bebo Pilipi-ti rəmə 'gəi kí njékəwnɔ-je kí rangí kí jɛ sə-dé-je j'ulə ji-ji j'adi-nɔ mɛɛ né-ti kí kadi rəm, mɛɛ né-ti kí kingə rəm ya 'goto. To səi ya kì kár-si é 'rai né-é kinlé. <sup>16</sup>††Loki m'isi mɛɛ bebo Tesaloniki-ti bəy

† 4:16 4:16 Knj 17:1 † 4:16 4:16 2Kɔ 11:9

ya səi uləi kà né adi-mi nja joo, kɔ kadi m'ra-né né-je kí ndoo-é ra-m. <sup>17</sup> To kadmə kí ji-si-ti ɔ́a m'isi m'sangi ɔ́a m'pa-né ta kinlé bè kɔ al. Kullə-je kí 'rai 'rai lé ɔ́a m'isi m'sangi kadi ingəi man-é dɔ-ti mburuki-mburuki. <sup>18</sup> Né-je lay ya m'ingə adi m'isi dan maji-ti mburuki-mburuki. Lokí m'ingə né-je kí uləi-né Epaproditi lé, m'isi ɔ́irə-ti kí mbaa sɔ. Né-je kinlé titi ubi kí ətí maji kí to négugi né kí Lubə ndigi rəm, nəl-é rəm kin bè. <sup>19</sup> Ə né-je lay kí ɔwi ndoo-é lé, Lubə lə-m kí to njènékingə kí riɔa-é tò kin ya à kadi-si kɔ nam kí 'nami kàdì Jeju Kristi-ti. <sup>20</sup> Riɔa to 'lə ɔɔbi-ji Lubə ya kè dɔ ɔal-ɔal. Amən!

### *Lapiya kí ra*

<sup>21</sup> 'Rai lapiya njénam kàdì Jeju Kristi-ti kí 'to njékaa njay-je lay adi-mi. <sup>22</sup> Ngankɔ-m-je kí njékadmə kí d'isi sə-m nè 'ra-si lapiya tɔ. Njékaa njay-je lay ya 'ra-si lapiya ə kí boy nà to dɛ kí məɛ kəy-ti lə Sejar, ngar kí boy. <sup>23</sup> Kadi ramaji lə 'Babe Jeju Kristi nà y sə-si.

Ta lə Lubə Kunmindī kí Sigi

Mango: Ta lə Lubə Kunmindī kí Sigi (New Testament)

copyright © 2019 Wycliffe Bible Translators, Inc.

Language: (Mango)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 14 Jun 2022 from source files dated 28 May 2022

96bdbd07-24d6-556c-9e7c-7269c72880cd